

1930 йил
12 МАЙДАН
ЧИҚА
БОШЛАГАН



Достлик

ЎЗБЕКИСТОН ЖУМҲУРИЯТИ ИИБ ҲАЙЪАТИ НАШРИ

№ № 37 — 38

(2574—2575)

1993 йил

14 МАЙ

ЖУМА

СОҲУВДА ЭРКИН
НАРХДА

ШУ СОНГА ХАБАР

ҚОТИЛЛАР УШЛАНДИ

Эрта тонгда жиринглаган телефон дастагини олар экан, навбатчи худди сезгандек, ташвишли хабар олди. Телефон қилаётган киши бир номаълум одамни ўлдириб кетишганлигини хабар қилди.

Навбатчи ички ишлар бўлими бошлиғи Т. Соатов, сўнгра бошқа раҳбарларни воқеадан хабардор қилиб, тезкор гуруҳ ходимларини жиноят содир этилган жойга юборди. Гуруҳ ходимлари билан у ерга туман прокурори А. Инонбобоев ва ИИБ бошлиғи ҳам етиб бордилар. Орадан уч соат ўтгач, ўлдирилган кишининг шахси аниқланди. Энди бу жиноятни содир қилган кишини аниқлаш керак.

Бошлиқ хузуридаги йиғилиш кўпга чўзилмади, ҳамма ўзига тегишли вазифани олиб, бажариш учун бирин-кетин чиқиб кетди.

Икки соат вақт ўтгач, ўлдирилган одам билан бирга ҳамтовоқ бўлиб, кўча-кўйда гоҳида фуқароларнинг уйида елланиб ишлаб юривчи шериклари аниқланди. ЖҚБ ходими Х. Миралимов бошчилигида участка вакиллари уларни қидиришга киришдилар. Биринчи кун натижа бўлмади.

Эртасига кечки пайт барча бўлинмалар иштирокида дарёнинг чап қиргоғи текшириляётганда участка вакиллари Ш. Назарбеков, Б. Алиев ва Т. Аулубековлар томонидан қотилликда гумон қилинаётган Н. Исмли шахс қўлга олинди ва ички ишлар бўлимига олиб келинди.

Жиноят-қидирув бўлинмаси бошлиғи Жилкайдаров хонасида дастлабки сўроқ бошланди. Бир ярим соат ўтгандан кейин фуқаро Н. қилган жиноятини бўйнига олди ва уни ким билан қилганлигини ҳам сўзлаб берди. Орадан кўп ўтмай милиция капитани Х. Миралимов иккинчи қотил ҳам ушланганлигини хабар қилди.

Терговда қотилликнинг сабаби бир аёлга ва ичкиликбозликка бориб тақалаётгани маълум бўлди.

Т. РАСУЛТОВЕВ,
Бўстонлик тумани ИИБ бошлиғининг шахсий таркиб билан ишлаш бўйича муовини, милиция майори.

БУГУНГИ СОНДА:

2-БЕТ.
ЖИГАРИСТОНДАГИ
ЯНА БИР
ФОЖИА.

БУКИРНИ ГҮР
ТУЗАТАДИ...

3-БЕТ.
МАТОНАТЛИ КИШИЛАР.
Тошкент шаҳар ИИБДа тезкор
ҳаракат қилувчи полк ташкил
этилмоқда.

7-БЕТ.
ОТАСИНИНГ
ҚОТИЛИ.
8-БЕТ.
«ЮРАК
ЧИЛТОРИДАН
ЧАҚНАЙДИ
ЧАҚИН».

БАЙРАМ САДОЛАРИ

ИЧКИ ИШЛАР вазирлигида Улуғ Ватан урушида эришилган ғалабанинг 48 йиллигига бағишланган тантана бўлиб ўтди. Унга урушда қатнашган ички ишлар идораларининг собиқ ходимлари таклиф этилди.

Фахрийларга совғалар топширилди ва байрам дастурхони тузалди.

Байрам дастурхони атрофида йиғилганларни ички ишлар вазири муовини, ички хизмат полковниги Р. Ҳайдаров вазири, вазирлик ҳайъати ва ўз номидан байрам билан қутлади.

Йиғилганларни шунингдек, ёшлар номидан вазирлик ходими милиция катта лейтенанти М. Эсонов муборакбод этди.

Сўзга чиққан истеъфодаги генерал-лейтенант Б. Сирожидинов ва истеъфодаги полковник Г. Матюшинлар уларга

кўрсатилаётган ғамхўрликлардан мамнун эканлигини билдиришиб, уруш хотиралари ва бугунги кунда амалга ошираётган ишлари хусусида тўхталиб ўтидилар.

Фахрийлар шу кунларга етиб келишолмаган сафдошларини бир дақиқалик сукунат билан хотирлашди.

Меҳмонларга ИИБ Ички кўшинлар бошқармаси бадиий дастаси аъзолари ва бошқа санъаткорлар хизмат қилди.

И. САЙДОВ.

Тошкент шаҳар ИИБДа ўтказилган байрам тантанасига ташриф буюрган уруш қатнашчилари — собиқ милиция ходимлари ўтган жангу жадалларни,

машаққатли кунларни эслаб ўтишди.

Йиғилиш иштирокчилари Республика Президентига ташаккурнома йўллашга қарор қилдилар. Фахрийлар унда ўз миннатдорчиликларини билдириш билан бирга, ижтимоий, иқтисодий ва снсий масалаларда Ўзбекистонда тугилаётган йўлни қўллаб-қувватлашларини таъкидлаб ўтишди.

А. ХАЛИЛОВ.

БУХОРО вилояти ИИБДа ҳам худди шундай байрам шоднаеналари бўлиб ўтди. Бу ерда ички ишлар идораларида хизмат қилиб кетган уруш иштирокчилари меҳмонга чақирилди.

Фахрийларни ИИБ бошлиғи,

Қарийб тўрт йил давом этган уруш фронтлариди самарқандликлар ҳам фашист босқинчиларга қарши мардона жанг қилдилар, улар орасида ички ишлар идораларининг ходимлари ҳам бор эди. Уларнинг ҳаммаси ҳам қонли жанглардан омон қайтгани йўқ. Тирик қолганлар ҳаққоний иш учун жонини аямаганларнинг хотирасини эъзозламоқда. Самарқандлик фахрийлар ҳурмат-эътибор билан ардоқланмоқда.

Суратда: Самарқанд вилоят ҳокимлиги ИИБ бошлиғи милиция генерал-майори Т.Тўхтаев бир гуруҳ Улуғ Ватан уруши фахрийлари билан.

В. ТИМЧЕНКО олган сурат.



ИККИ ЖУМА ОРАЛИҒИДА

ТАРБИЯЧИНИНГ ЖИНОЯТИ

Бухоро Давлат педагогика дорилфунунининг толибаси Ш.Жамолова Бухоро шаҳар "Октябрь 40 йиллиги" кўчасидан соат 18 ларда ўтиб кетаётган пайтда ешгина бир аёл уни кўрқитиб, қўлидаги сумкасини тортиб олиб кетди. Сумка ичида 2 минг сўм пул бўлган. Милиция ходимларининг тезкорлик билан кўрган чоралари натижасида босқинчи аёл қўлга олинди. Энг ачинарлиси шундаки, жиноятчи аёл тарбиячи экан. Бевоқифа ўйланиб қолсан, тарбиячининг ўзи жиноят содир этса, у тарбиялаётган ешлардан келажакда нима ҳам кутиш мумкин?

МЕДИСАХОНАДА ҲАМ ЎҒРИЛИК

Бухоро тумани ички ишлар бўлими паспорт столида паспорт ёзувчи бўлиб ишловчи О.Шерованинг иш жойидаги сумкасида 13 минг сўм пул ўтирилди. Бирок, жиноятчи узоққа кетолмади. Милиция ходимларининг тадбиркорлиги туфайли, бу жиноятни содир этган Галаасие шаҳрида яшовчи 18 ешли киз Д. тезда аниқланиб, ички ишлар бўлимига олиб келинганди, у ўз қилмишидан пушаймон бўлди.

ЕЧИНТИРДИ

Вобкент шаҳар Улуғбек кўчасида яшовчи Т.Б. ҳали еш бўлишига қарамасдан жиноят кўчасига кириб кетди. Яқинда у Чирчиқ шаҳрида ҳарбий хизматни ўтаётган, таътилга ўз она қишлоғига келган У.Холовни кўрқитиб, оёғидаги туфлисини ечиб олди. Бу ҳам етмагандек, Вобкент шаҳар марказий касалхонасида Бухоро қишлоқ хўжалик техникуми талабаси Ш. Эргашевнинг устидаги "адидас" спорт костюмининг ҳам куч ишлатиб ечиб олди. Энди эса у бу зуравонлиги учун қонун олдида жавоб беради.

БЕКОРЧИЛИК ОҚИБАТИДА

Ғиждувон шаҳар Калинин кўчасида яшовчи муқаддам судланган, фойдали меҳнат билан шугулланмай юрган М.Пўлатов Ғиждувон шаҳар Совет кўчасида яшовчи, еш бўлишига қарамасдан ишламай юрган

Б.Зарипов билан ўзаро жанжаллашиб қолишди. Инсонийликни йўқотган Пўлатов Зариповнинг қорнига пичоқ урди. Натижада жабранувчи Зарипов огир тан жароҳати олиб касалхонага тушди.

ЭҲТИЁТСИЗЛИК ТУФАЙЛИ

Бухоро шаҳар 2533-автобаза ҳайдовчиси Т.Эшпўлатов бошқарётган "ПАЗ-672" белгили автобус Жондор тумани Охунбобоев номи жамоа хўжалиги худудида қарама-қарши томондан келаятган трактор билан тўқнашиб кетди. Оқибатда автобусдаги йўловчилардан Х.Ниезова вафот этди, М.Маърупов, С.Ҳайитова, С.Шариповлар хар хил жароҳат олиб касалхонага тушдилар.

ТУБАНЛИК

Вобкент тумани марказий касалхонаси ички касалликлар бўлими ҳамширалари М.Отаеванинг 500 сўм турадиган рўмоли, У.Давлатованинг 70 сўм пули, Ф.Азимованинг 1000 сўмлик нарсалари иш жойидан ўтириб кетилди. Буни қарангки, бу жиноятни ҳам аёл киши, "Зарафшон" жамоа хўжалигида яшовчи У. содир этган экан.

ЭҒАСИГА ҚАЙТАРИЛДИ.

Бухоро шаҳрида яшовчи фуқаро Г.Раҳмонованинг уйдан уй эшиги синдирилиб, телевизор ва бошқа буюмлари ўтирилган эди. Лекин жиноятчи бу буюмларни эғасига қайтаришга мажбур бўлди. Милиция ходимлари шу шаҳарлик, ҳеч қаерда ишламай юрган М.С.ни ушладилар. У ўз қилмишини бўйнига олди.

ЕҒ ҲАЗМ БЎЛМАДИ

• Когон шаҳрида яшовчи нафақахўр М.Равшанованинг омборхонаси эшиги кулфани бузиб, 80 килограмм пахта ёғи ўтириб кетилди. Милиция ходимларининг тезкор қидирув иши олиб боришлари натижасида, пахта ёғи ўтирилари, Когон шаҳри фуқаролари Т.ва А. ёғни ҳазм қилмасларидан қўлга тушдилар.

Шухрат Қўлдошев,
Бухоро вилояти ички ишлар бошқармаси матбуот гуруҳи ходими,
милиция майори.

